

consolatione ea res in usum ubique venerit, quin supersit iusta querela locus, sub pena excommunicationis, mandamus omnibus Abbatibus, Prælatibus, Præpositis, Rectoribus, Confessariis, Monasteriorum, Præfectis, ad quos hæc cura aliquo modo pertinere dignoscitur, ut quotannis Sanctimonialibus suis, bis, aut ter, aliquem a Nobis, aut Nostro in spiritualibus Vicario approbatum Confessarium extraordinarium, sive secularem, sive regularem offerant, qui omnium Confessiones audiat, nimirum in principio Quadragesimæ, ad Festum Assumptionis Beate Mariæ Virginis, & circa Festum omnium Sanctorum, seu in Principio Adventus Domini, aut aliis temporibus magis opportunis.

Et, ut Nobis constet, quina m, & quales isti extraordinarii Confessarii sint, & ne iniusta seripossit contra personam exceptio, tenebuntur singuli Monasteriorum Prælati, Præfecti, aut Rectores, quibus incumbit huiusmodi Confessarium nominare, suum, & Confessarii Ordinarii, atque extraordinarii nomen Nobis, aut Nostro in spiritualibus Vicario quotannis scripto exhibere ante Dominicam Quinquagesimæ.

Datum Arnsburgi Anno 1605., die 12. mensis Septembris.

Archiepiscopus eadem Statuta petiti confirmati.

§.2. Cumque cupias præsertim Statuta, seu decreta a te edita, pro majori illorum firmitate, & firmitate observantia Apostolica auctoritate confirmari, tuo nomine Nobis fuit humiliter supplicatum, ut in præmissis opportune providere de benignitate Apostolica dignaremur.

Confirmat Pontifex.

§.3. Nos igitur te specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine, quavis occasione, vel causa latis, si quibus quomodolibet innodatus existis, ad effectum presentium dumtaxat consequendum, harum serie absolventes, & absolutum fore censentes, huiusmodi supplicationibus inclinati, præsertim statuta, seu decreta a te edita, de Venerabilium Fratrum Nostrorum S.R.E. Cardinalium negotiis Regularium Præpositorum consilio, Apostolica auctoritate, tenore presentium, approbamus, & confirmamus, illisque omnibus, & singulis Apostolica inviolabilis firmitatis robor adjicimus, suppletes omnes, & singulos tam juris, quam facti defectus, si qui intervenerint in eisdem; tibique, ut statuta, & decreta suprainserta inviolabiliter observari facere possis, & valeas, concedimus, & indulgemus.

Derogat cond. a.riis.

§.4. Non obstantibus Constitutionibus, & Ordinationibus Apostolicis, necnon quorumcumque Monasteriorum, Conventuum, & Ordinum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & approbatis. Quibus omnibus, & singu-

lis eorum tenores pro expressis habentes, hac vice dumtaxat harum serie specialiter, & expresse derogamus, cæterisque contrariis quibuscumque.

Datum Romæ apud Sanctum Marcum sub Annulo Piscatoris die 6. Junii 1607., Pont. nostri Anno III.

Dat. die 6. Junii 1607. An.III.

L X X V.

Confirmatio concordie inter Regem Catholicum, & Archiepiscopum Casaraugustanum, aliosque super augmento fructuum ab aquis Fluminum Iberi, & Xaloni provenientium, initæ.

Ex Regest. in Secret. brev.

Dilecto Filio Nostro, & Apostolica Sedis in Regnis Hispaniarum Nuncio.

PAULUS PAPA V.

Dilecto Filii salutem, & Apostolicam benedictionem.

§.1. Exponi Nobis nuper fecerunt charissimus in Christo filius Noster Philippus Hispaniarum Rex Catholicus, ac Venerabilis Frater Casaraugustanus Archiepiscopus, ac alii in infra scripta concordia interesse habentes, quod alias sal. rec. Clementi VII., & Paulo III., & successive Julio etiam III. Romanis Pontificibus Prædecessoribus Nostri pro parte clar. mem. Caroli V. Romanorum Imperatoris, qui etiam Aragoniæ, & Navaræ Rex Catholicus erat, exposito, quod provide considerans, propter penuriam aquarum, & quæ exinde causabatur sterilitas Terrarum Aragonum, & certæ partis Navaræ Regnorum Habitatoribus ipsius Regni Aragonum, in eorum alimentis, & aliis rebus humana vitæ necessariis maximam pati aegritatem, & tamquam optimis Subditorum suorum Protector, ægestati huiusmodi providere volens, ex duobus Fluminibus insignibus, Ibero videlicet, & Xalone per dictum Regnum Aragonum decurrentibus, aquas, pro dictis terris irrigandis, deduci mandaverat: & cum ex præmissis, tam propter Alveorum dictorum Fluminum asperitatem, quam longitudinem fovearum, & Rivulorum pro decursibus aquarum, magna admodum expensæ necessariæ essent, & ad eas sublevandas, Sedis Apostolicæ auxilium, & auctoritas, prout in similibus fieri consueverat, plurimum requireretur, ipsi Clemens, Paulus, & Julius Prædecessores ad ipsius Caroli Imperatoris, & Regis supplicationem, per diversas eorum literas, certis viris probis in Partibus illis, & eorum cuilibet successive dederunt in mandatis, ut habita per eos, seu eorum alterum diligenti informatione, quantum quolibet anno a tunc proxime præteritis tribus annis, fertili cum sterili compensato, pro decimis, & primitiis ex fructibus in dictorum Regnorum Terris collectis, Ecclesiis, Monasteriis, & aliis piis Locis, aut illarum, seu illorum

Facti series.

lorum Rectoribus, vel Beneficiatis Casaraugustanæ, & Tirasonensis Civitatum, & Dioecesium persolutum fuisset, illisque perpetuis futuris temporibus singulis annis persolutis, augmentum decimarum primitiarum, quod tam ex fructuum super excresecientia propter irrigationem huiusmodi, quam ex novalibus, quæ ex derivatione, & irrigatione aquarum huiusmodi provenirent, aut propterea ad culturam, & frugem pinguiorem redigerentur, pro tempore fierent, eidem Carolo Imperatori, & Regi, illisque in dicto Regno Aragonum Successoribus, cum primùm aqua fluminis huiusmodi per foveas, sive rivulos ad Terras irrigandas perducerentur, licet ad finem perductæ non forent, etiam annis singulis persolvendas esse decernerent, prout in singulis dictis literis plenius continetur. Cum autem, sicut eadem expositio subjungebat, informatio a principio, quantum quolibet anno a tunc proxime præterito, iis tribus annis, fertili cum sterili compensatis, pro decimis, & primitiis, prædictis Ecclesiis, Monasteriis, & piis Locis persolutum fuisset, juxta earumdem literarum formam facta non fuerit: sed postquam aquæ pro irrigandis Terris huiusmodi per foveas, & rivulos, cum magnis expensis, dictus Carolus Imperator, & Rex deduci fecisset, & exinde habitatoribus earumdem Partium utilitas, & commoda non parva provenissent, super excresecientia decimarum, & primitiarum, etiam novallium Carolo Imperatori, & Regi, ac successive eidem Philippo Regi ejus Successori, non juxta literarum prædictarum formam, sed juxta estimationem, quantum singulis annis decimæ, & primitiæ, habita ratione pluviarum, propter huiusmodi irrigationes excreverint, facta fuit: & quia forma huiusmodi valde incommoda, & dispendiosa, ac præter formam literarum prædictarum Apostolicarum existit, ob non factam, ut præfertur, a principio Ecclesiis, Monasteriis, & aliis Locis prædictis assignationem, juxta earumdem literarum Apostolicarum formam, quibus omnibus per Philippum Regem, & Archiepiscopum Casaraugustanum, & interesse habentes mature consideratis, auditaque Peritorum in præmissis sententia, ac habita ratione, quantum annuatim, dicta posteriori forma, per eos, ut præfertur, servata, Ecclesiis, Monasteriis, & Locis prædictis obvenerit ab anno 1547. ad annum 1597., a quo tempore Terræ infra scriptorum Locorum irrigantur, ut ex Processibus apparet, eorumdem Peritorum adhibito consilio, omnibusque rite, & recte, ac mature examinatis, inter Philippum Regem, & dictum Archiepiscopum, & alios interesse habentes, ad huiusmodi verbo, vel in scriptis deventum fuit concordiam, videlicet, quod Ecclesiis, Monasteriis, & aliis Beneficiatis huiusmodi semel assignetur id, quod habere, & consequi debent, non autem ad arbitrium, & prout unoquoque anno pluit, & aliter Campi irrigantur, sed inde Banuel videlicet

quinque ex sex, & inde Cortes duæ ex tribus, necnon inde Malen tres ex quinque partibus ipsi Philippo Regi, reliquæ vero partes Ordinario, & aliis interesse habentibus, ac inde Galur, Locis, seu Oppidis Casaraugustanæ Dioecesis, medietas Philippo Regi, aliaque medietas fructuum decimarium, & primitiarum Terrarum ab antiquo colli solitarum, eidem Ordinario, & interesse habentibus prædictis darentur, salvis in reliquis juribus dicti Philippi Regis super decimis, & primitiis dictarum Terrarum, quæ ab anno 1537. cultæ fuerunt, & denuo coluntur, & irrigantur, & antea non colebantur, quæ omnes ad eundem Philippum Regem spectent; Quod vero a rivulo, seu fovea Cequia irrigari non possunt omnes, ad eundem Ordinarium, & interesse habentes spectent, nec sub aliqua divisione comprehendantur: hæc tamen concordia intelligi debeat, & duret, quatenus Terræ irrigentur, aut ad hoc aqua detur, ac donec fovea, seu rivulus Cequia huiusmodi in totum perficiatur, itaut terminis, seu territoriis Casaraugustan., & planities de Fuentes illo irrigentur, & alias prout in dicta concordia, & scripturis desuper confectis; quam quidem concordiam se. re. Clemens Papa VIII. Prædecessor noster per suas in simili forma Brevis literas, tunc in Regnis Hispaniarum Nuncio directas sub die 6. Novembris 1595., desuper expeditas, confirmari, & approbari mandavit, plenius continetur.

§.2. Cumque firmiora sint ea, quæ Sedis Apostolicæ patrocinio sæpius mununtur, & propterea tam dictus Philippus Rex, quam Archiepiscopus Casaraugustan., & alii interesse habentes cupiant, concordiam, prædictam, quæ in earumdem Partium, & præsertim Ecclesiarum commodum, & utilitatem cedere dignoscitur, ut firmiter observetur, Nostro, & Sedis Apostolicæ patrocinio roborari, ideo Nobis humiliter supplicari fecerunt, quatenus in præmissis opportune providere de benignitate Apostolica dignaremur.

§.3. Nos igitur huiusmodi supplicationibus inclinati, ac singularum prædictarum, & aliarum literarum tenores, ac inde sequutorum, presentibus pro expressis habentes, tibi per presentes committimus, & mandamus, quatenus, consideratis per te, vel alium, seu alios, quos ad id idoneos duxeris deputandos, considerandis, vocatis similiter aliis forsan interesse habentibus, in huiusmodi fructibus, ad concordiamque reductis, si concordiam huiusmodi in eisdem Archiepiscopi, & interesse habentium commodum esse repereris, eam, prout facta, &, ut præfertur, confirmata est, denuo, auctoritate Nostri apostolica, confirmes, & approbes, illique inviolabilis Apostolicæ firmitatis robor adjicias, ac omnes, & singulos tam juris, quam facti, & etiam quoscumque alios defectus, si qui, tam in concordia, quam aliis præmissis, & inde sequentis quomodolibet intervenerint, suppleas, ac illam ab omnibus interesse habentibus

Petitur confirmatio concordie.

Confirmatur.

bentibus, etiam sub Ecclesiasticis sententiis censuris, & poenis, inviolabiliter observari cures, invocato etiam ad hoc, si opus fuerit, auxilio brachii secularis.

Contraria tollit.

§.4. Non obstantibus præmissis, ac quibusvis Constitutionibus, & Ordinationibus Apostolicis, ac Ecclesiarum, Monasteriorum, & piorum Locorum huiusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Dat. die 26. Junii 1607. An. III.

Datum Romæ apud Sanctum Marcum sub Annulo Piscatoris die 26. Junii 1607., Pont. nostri Anno III.

LXXVI.

Ex Reg. in Secret. Brev.

Unio Abbatie S. Mariæ in Venticano Beneventanæ Diocesis Bibliothecæ Vaticanæ.

PAULUS PAPA V.

Ad perpetuam rei memoriam.

Clem. VIII. concessit Bibliothecario S. R. E. Monasterium S. Mariæ de Venticano.

§.1. **A**lias sel. rec. Clemens Papa VIII. Prædecessor noster officio Sanctæ Romanæ Ecclesiæ Bibliothecarii, quod bonum mem. Cæsar tituli Sanctorum Nerei, & Achillei Presbyt. Cardinalis Baronius nuncupatus S. R. E. Bibliothecarius, tunc in humanis agens obtinebat, de aliquo subventionis auxilio providere volens, motu ejus proprio, Monasterium, Abbatiam nuncupatum Sanctæ Mariæ de Venticano Sancti Benedicti, vel alterius Ordinis Beneventanæ Diocesis, illiusque Commenda tunc per obitum quondam Jacobi de Leo defuncti cessante, adhuc eo, quo ante Commendam ipsam vacabat, modo vacans, cum annexis iuribus, & pertinentiis suis, prædicto officio, ita quod liceret dicto Cæsari Cardinali, & pro tempore existenti S. R. E. Bibliothecario pro ejus commodiori mantentione, ac onerum dicti Officii supportatione, corporalem, realem, & actualem possessionem Monasterii, & annexorum, iuriumque, & pertinentiarum prædictorum per se, vel alium, seu alios ejus, ac dictæ Bibliothecæ nominibus propria auctoritate libere apprehendere, & apprehensam perpetuo retinere, necnon Monasterii, & annexorum huiusmodi fructus, redditus, & proventus, juraque, obventiones, & emolumenta percipere, ac in suos, & dictæ Bibliothecæ usus, utilitatem, & necessitates convertere, cujusvis licentia desuper minime requisita, Apostolica auctoritate perpetuo univit, annexuit, & incorporavit, prout in literis Apostolicis desuper confectis, quarum tenorem præsentibus pro expresso haberi volumus, plenius continetur.

Paulus illud unit Bibliothecæ Vaticanæ.

§.2. Cum autem officium prædictum per obitum dicti Cæsaris Cardinalis, qui hodie, seu nuper apud Sedem Apostolicam debitum naturæ persolvit, vacaverit, &

vacet ad præsens; Nos sumptibus, & expensis, qui quotidie in dicta Bibliotheca fieri solent, aliqua ratione consulere cupientes, ac dicti Monasterii fructuum, reddituum, & proventuum verum annuum valorem secundum communem æstimationem, aliarumque unionum dictæ Bibliothecæ forsân hæctenus factarum tenores, præsentibus etiam pro expressis habentes, motu simili, ac ex certa scientia nostra, deque Apostolica potestatis plenitudine, omnia, & singula Monasterii, & annexorum huiusmodi fructus, redditus, proventus, jura, obventiones, & emolumenta in quibusvis rebus consistentia, & undecumque provenientia, prævia illorum separatione, & dismembratione a dicto officio præfate Bibliothecæ, ac illius usibus, sumptibus, & expensis, non autem illius Bibliothecario, destinata, & applicata esse, & censeri decernimus, & declaramus, prout, quatenus opus sit, motu, & auctoritate paribus ex nunc tenore præsentium applicamus, & appropiamus: ita quod futuri S. R. E. Bibliothecarii, in perceptione fructuum, reddituum, proventuum, & emolumentorum huiusmodi, nisi ad commodum, & utilitatem Bibliothecæ, ac expensarum huiusmodi sese quoquo modo ingerere non possint, nec valeant, sed ipsi tantummodo nudi Administratores fructuum, reddituum, proventuum, & emolumentorum, ac aliorum bonorum dicti Monasterii sint, & esse censeantur.

Clausula.

§.3. Decernentes præsentibus literas etiam ex eo, quod dictum officium legitime careat Defensore, & quicumque in præmissis interesse habentes, vel habere prætendentes, illis non consenserint, & ad ea vocati, & causa, propter quas emanarint, verificata, seu justificata non fuerint, aut ex quocumque alio capite, vel causa quantumvis legitima, & juridica, de subreptionis, vel obreptionis vitio notari, impugnari, retractari, annullari, invalidari, seu in jus, aut controversiam vocari, ad viam, & terminos juris reduci, aut adversus illas quocumque juris, gratiæ, vel facti remedium impetrari, vel concedi nullatenus unquam posse, sed illas semper, & perpetuo validas, & efficaces existere, & fore, suosque plenarios, & integros effectus sortiri, & obtinere, ac ita per quoscumque Judices ordinarios, & delegatos etiam causarum Palatii Apostolici Auditores, ac S. R. E. Cardinales, etiam de latere Legatos, sublatis, & eorum cuilibet quavis aliter iudicandi, & interpretandi facultate, & auctoritate judicari, & definituri debere, ac irritum, & inane quidquid secus super his a quoquam quavis auctoritate, scienter, vel ignoranter contigerit attentari. Inhibentes pro tempore existenti Bibliothecario prædicto, ne in perceptione fructuum, reddituum, proventuum, & emolumentorum prædictorum, ac aliorum iurium dicti Monasterii in alios, quam usus prædictos, se immiscere audeat, seu quoquo modo præsumat.

Derogatio contrariorum.

§.4. Nob obstantibus præmissis, ac nostris

stris de non tollendo jure quaesito, & unionibus committendis ad partes, vocatis quorum interest, ac Lateranen. Concilii novissime celebrati, uniones perpetuas, nisi in causis a jure permixtis fieri prohibente, aliisque Constitutionibus, & Ordinationibus Apostolicis, necnon Monasterii, ac Bibliothecæ huiusmodi juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, ac dicto Bibliothecario, aliisque Superioribus, & personis sub quibuscumque tenoribus, & formis, & cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, etiam motu pari, & consistorialiter, ac alias in contrarium forsân quomodolibet concessis, confirmatis, & approbatis, quibus omnibus, & singulis, etiam si de illis, eorumque totis tenoribus specialis, specifica, & individua, non autem per clausulas generales idem importantes mentio, seu alia expressio habenda foret, tenores huiusmodi, præsentibus pro plene, & sufficienter expressis habentes, illis alias in suo robore permanentibus, hac vice dumtaxat specialiter, & expresse motu simili derogamus, ceterisque contrariis quibuscumque.

Fructus dicti Monasterii penes Depositarium C. A. deponenda.

§.5. Volumus autem, ut pecuniæ omnes ex dicto Monasterio quomodolibet provenientes, penes Depositarium Camerae nostræ Apostolicæ deponantur, & inde non removeantur, nisi ad effectum illas in usus sumptus, expensas, & necessitates dictæ Bibliothecæ, non autem illius Bibliothecarii realiter, & cum effectu convertantur, juxta tamen mandata ab eodem Bibliothecario, seu ab eo deputando, subscribenda. Datum Romæ apud Sanctum Marcum sub Annulo Piscatoris, die 1. Julii 1607., Pont. nostri Anno III.

Dat. die 1. Julii 1607. An. III.

LXXVII.

Ex Reg. in Secret. Brev.

Nuncio Apostolico Hispaniarum committitur visitatio Hospitalis Regii Burgenfis.

Venerabili Fratri Decio Archiepiscopo Damasceno Nostro, & Apostolica Sedis in Regni Hispaniarum Nuncio.

PAULUS PAPA V.

Venerabilis Frater salutem, & Apostolicam benedictionem.

Commissio, de qua in rub.

§.1. **C**UM, sicut accepimus, Hospitale Regium prope, & extra muros Burgen. existens, Nobisque, & Apostolicæ Sedis immediate subiectum, quod a personis Ecclesiasticis solum a Sede Apostolica deputatis visitatum fuerit; Nos per præsentibus Fraternitati tuæ committimus, & mandamus, quatenus si ita esse compereris, in executione visitationis, vigore alterius cujusvis, quam Nostræ, & ejusdem Sedis

commissionis, facta, superfedi auctoritate nostra mandet, donec a Nobis aliter fuerit ordinatum; Interim vero ad executionem literarum nostrarum in hac forma. Brevis de mense Septembris anni proxime præteriti 1606. expeditarum, per quas dilecto filio nostro Joanni Garziæ Presbytero Cardinali Millino nuncupato tunc in istis Regnis Nostris, & d. Sedis Nuncio, ut aliquam personam in dignitate Ecclesiastica constitutam, doctrina, prudentia, integritate, & experientia præstantem ejus arbitrio eligendam in ejusdem Hospitalis Visitatorem deputare valeret, facultatem concessimus, utque ejusmodi deputationem faceret, commisimus, & mandavimus, ipsique Visitatori sic deputando, Hospitale prædictum modo, & forma tunc expressis visitandi, & reformandi facultatem concessimus, prout in eisdem literis plenius continetur, procedi cures, & facias. Nos enim tibi eandem nostrarum literarum, quarum tenorem præsentibus pro expresso haberi volumus, executionem plenariam, perinde ac si eadem literæ tibi ipsi directæ fuissent, curandi, & faciendi, simili auctoritate tenore præsentium omnimodam tribuimus facultatem, & auctoritatem.

Derogatio contrariorum.

§.2. Non obstantibus præmissis, ac omnibus illis, quæ in eisdem literis volumus non obstat, ceterisque contrariis quibuscumque.

Datum Romæ apud Sanctum Marcum sub Annulo Piscatoris die 14. Julii 1607. Pont. nostri Anno III.

Dat. die 14. Julii 1607. An. III.

LXXVIII.

Pœna spirituales contra Ecclesiasticos primæ Dignitatis Regni Siciliae Boves, Vaccas, Vitulosque macstantes.

Ex Reg. in Secret. Brev.

Constitutione XVI. huiusmodi mentionem prohibuerat Paulus. Vide pag. 250.

PAULUS PAPA V.

Ad futuram rei memoriam.

§.1. **A**lias ex causis tunc expressis, ac supplicationibus Charissimi in Christo filii nostri Philippi Hispaniarum Regis Catholici, qui etiam Sicilia ultra Pharrum Rex existit, nomine Nobis porrectis inclinati, per nostras in simili forma Brevis sub data 23. Martii proxime præteriti expeditas literas omnibus, & quibuscumque personis Ecclesiasticis tam Sæcularibus, quam Regularibus, etiam si Sæculares tam Patriarchali, Episcopali, aut quavis alia dignitate, vel excellentia, regulares vero personæ huiusmodi cujusvis Ordinis etiam quantumvis exempti, & privilegiati, nec non Militiarum etiam Sancti Joannis Hierosolymitani existerent, in virtute sanctæ obedientiæ, ac sub indignationis nostræ, necnon mille scutorum quoad Sæculares, quo vero ad Regulares personas huiusmodi quorumcumque

cumque Officiorum, ac Dignitatum, etiam generalium, quae obtinent, privationis, ac incapacitatis ad illa, & alia similia, vel dissimilia imposterum obtinenda, quo autem ad Fratres Hospitalis Sancti Joannis Hierosolymitani hujusmodi aliorum mille scutorum, & in subsidium, quoad eos, qui non habent in aere, exilii a toto Regno Siciliae ultra Pharam praedicto poenis per contravenientes incurrendis districte prohibemus, & inhibuimus, ne ipsi, aut eorum, aliqui de caetero quovis quasto colore, pre-textu, vel ingenio Boves, Vaccas, Vitulos, aut animalia hujusmodi agrorum culturae inservientia mactare, seu mactari facere, vel alias mactantibus auxilium, vel favorem occulte, vel publice, directe, vel indirecte dare audent, seu praesumerent, ac Venerabilibus Fratribus Archiepiscopis Paternitan., & Messanen. mandavimus, ut ipsi, vel quilibet eorum per se, vel alium, seu alios in dignitate Ecclesiastica constitutos eadem literas, & in eis contenta quaecumque publicari, & sub praedictis, & aliis sibi benevisis poenis per quoscumque Antifites, Praelatos tam Saeculares, quam Regulares, Capitula, Clericos, Fratres, Milites, & personas quaslibet quantumvis exemptas omnibus juris, & facti remediis, invocato etiam brachio saeculari, omni mora, dilatione, & exceptione remotis, facerent, praecipere, & mandarent inviolabiliter observari. Contradictores quoslibet, & rebelles per praedictas, seu alias eis benevisas, etiam corporis afflictivas, citra tamen sanguinis poenas, ac censuras Ecclesiasticas, auctoritate nostra, appellatione postposita compescendo, prout in praedictis literis, quarum tenorem praesentibus pro expresso haberi volumus, plenius continetur.

Poenas addit spirituales contra Ecclesiasticos primae Dignitatis.

§.2. Quas quidem literas nostras inviolabiliter, ut par est, observari cupientes, eisdem ibi expressis causis adductis, ac supplicationibus ejusdem Philippi Regis nomine iterum Nobis super hoc humiliter porrectis inclinati omnibus, & singulis personis Ecclesiasticis in dicto Regno Siciliae ultra Pharam existentibus, Patriarchis, Archiepiscopis, & Episcopis exceptis, Bovem, Vaccarum, Vitulorum, & aliorum animalium supradictorum mactationem sub excommunicationis poena; Patriarchis vero, Archiepiscopis, & Episcopis sub poena suspensionis ab ingressu Ecclesiae ad beneplacitum Nostrum ipso facto incurren., ultra alias poenas in dictis nostris literis contentas tenore praesentium interdicimus, & prohibemus.

Derogat contrariis.

Dat. die 11. Augusti 1607. An.III.

§.3. Non obstantibus Constitutionibus, & Ordinationibus Apostolicis, ac omnibus illis, quae in praedictis literis volumus non obstat, ceterisque contrariis quibuscumque.

Datum Romae apud Sanctum Marcum sub Annulo Piscatoris die 21. Augusti 1607. Pont. nostri Anno III.

Declaratio, & confirmatio privilegii fori pro Regularibus intra Claustra degentibus.

De Regularibus extra Claustra delinquentibus puniendis, Clem. VIII. editis Constitut. CXVIII. Suscepit Tom.V. Par.II. fol.93.

PAULUS PAPA V.

Ad futuram rei memoriam.

Religiosorum sub suavi Religione iugo Altissimo famulantium quieti prospicere cupientes, quae illam quoquo modo perturbare posse videntur, opportuna nostra declaratione e medio tollere, ac alias desuper opportune providere curamus, prout in Domino salubriter conspicimus expedire.

Exordium.

§.1. Cum itaque nomine dilecti filii Basilii Anguissola Procuratoris Generalis Ordinis Fratrum Carmelitarum in Congregatione Venerabilium Fratrum Nostrorum S. R. E. Cardinalium Tridentini Concilii interpretum, expositum fuerit, in Hispaniarum Regnis, quosdam Ordinarios Locorum contendere, Religiosos intra Claustra degentes coram ipsis Ordinariis conveniri debere in causis civilibus, Cap. Volentes, de privileg. in 6. comprehensis, propter illius innovationem a Concilio Tridentino factam, sess.7. cap.14., quo praefatos Religiosos, eorum privilegiis abrogatis, defendunt comprehendi. Praterea eosdem locorum Ordinarios pariter contendere, eisdem Religiosos intra Claustra degentes in prima instantia coram ipsis conveniri debere ex decreto ejusdem Concilii Tridentini, sess.24. cap.20. de Reform.

Ordinarii quidam praetendebant, Religiosos coram se conveniri ex cap. Volentes de privileg. in 6. cap. 20. sess. 24. Conc. Trid.

§.2. Cumque ab eodem Basilio Procuratore Generali in eadem Congregatione supplicatum fuerit, ut super utraque re responsa darent. Ab eadem vero Congregatione fuerit responsum, Neque Constitutio in generali Concilio Lugdunensi edita, quae incipit, Volentes, neque decreto Concilii Tridentini cap.14. sess.7. comprehendi Regulares, ideoque eos juxta eorum privilegia, coram suis Superioribus, vel Conservatoribus esse conveniendos. Necnon Decretum ejusdem Concilii Tridentini dicto cap.20. sess.24. ad Regulares non pertinere, nec eorum Conservatorias imminuere, nec quoad primam illam instantiam, aliquid novi inducere, ipseque Basilius Procurator Generalis Nobis humiliter supplicari fecerit, ut pro sui Ordinis quiete, supradictas declarationes ab eisdem locorum Ordinariis servari debere, Apostolica auctoritate, praecipere dignaremur.

Sac. Congregatio sup. interpretatione Conc. Trid. contrarium decrevit.

§.3. Nos illius hujusmodi supplicationibus inclinati, omnibus, & singulis locorum Ordinariis, in virtute sanctae obedientiae per praesentes districte praecipiendo mandamus, ne Fratres, & Religiosos dicti Ordinis

Paulus id approbat.

dinis Carmelitarum contra dispositionem declarationum praedictarum perturbare, inquietare quoquo modo audeant, vel praesument; irritum nihilominus, & inane decernentes, quicquid secus super his a quocumque, quavis auctoritate, scienter, vel ignoranter contigerit attentari.

Et ita servari mandat.

§.4. Quocirca dilectis filiis causarum, Curiae Camerae Apostolicae generali Auditori, & Nostrae, & Apostolicae Sedis in Regnis Hispaniarum Nuncio, per praesentes committimus, & mandamus, quatenus ipsi, vel alter eorum praesentes literas, & in eis contenta quaecumque, ubi, & quando opus fuerit, & quoties pro parte dictorum Religiosorum, eorumve Superiorum fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostra illos eorumdem praemissorum effectu pacifice frui, & gaudere, non permittentes eos desuper a quocumque quavis auctoritate quomodolibet indebitè molestari. Contradictores quoscumque per censuras, & poenas Ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc, si opus fuerit, auxilio brachii saecularis.

Quibusvis non obstantibus.

§.5. Non obstantibus sel. rec. Bonifacii Papae VIII. Praedecessoris Nostri de una, & in Concilio generali edita de duabus dietis, demmodo ultra tres dietas aliquis auctoritate praesentium ad iudicium non trahatur, aliisque Constitutionibus, & Ordinationibus Apostolicis, ceterisque contrariis quibuscumque.

Fides externorum bullarum.

§.6. Volumus autem, ut praesentium, transumptis etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides habeatur, quae eisdem praesentibus haberetur, si originaliter forent exhibita, vel ostensa.

Dat. die 24. Augusti 1607. An.III.

Datum Romae apud Sanctum Marcum sub Annulo Piscatoris die 24. Augusti 1607. Pont. nostri Anno III.

LXXX.

Declaratur Congregationem Cardinalium super Fontibus, ac S. R. E. Camerarium, vel alios quoscumque aliquam Aquae Virginis quantitatem nemini absque speciali mandato Pontificio concedere posse.

Ex Regest. in Secret. Brev.

PAULUS PAPA V.

Ad futuram rei memoriam.

§.1. Quoniam multiplici concessione, quae fieri consuevit, personis privatis Aquae Virginis, illius primarium Trevii nuncupatum, & alios publicos Almae Urbis nostrae Fontes valde imminui comperit; Nos eorumdem Fontium conservationi ad Urbem ornatum, & publicam commoditatem prospicere volentes; Motu proprio, non ad alicujus Nobis super hoc Bull. Rom. Tom.V. Par.III.

Prohibitionis causa.

oblata petitionis instantiam, sed ex certa scientia, ac matura deliberatione nostra, deque Apostolicae potestatis plenitudine statuimus, & ordinamus, ne de caetero quicquam quavis auctoritate, & facultate fungatur, nec etiam Sanctae Romanae Ecclesiae Cardinales super Fontibus deputati, aut ejusdem Sanctae Romanae Ecclesiae Camerarius, quameumque dictae Aquae Virginis partem, seu quantitatem quantumvis exiguam sine speciali mandato per Chyrogaphum manu nostra subscriptum illis dato, cuique quovis titulo dare, vel concedere possint, irritum nihilominus, & inane decernentes, quicquid secus super his a quocumque illorum scienter, vel ignoranter contigerit attentari.

Prohibitio.

§.2. Non obstantibus Constitutionibus, & Ordinationibus Apostolicis, ac quibusvis statutis, & consuetudinibus, etiam juramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis eisdem Cardinali Camerario, aut quibusvis aliis in contrarium praemissorum quomodolibet concessis, confirmatis, & approbatis. Quibus omnibus, & singulis, eorum tenores praesentibus pro expressis, & ad verbum insertis habentes, hac vice dumtaxat specialiter, & expresse derogamus, ceterisque contrariis quibuscumque.

Derogatio contrariis.

Datum Romae apud Sanctum Marcum, sub Annulo Piscatoris die 18. Septem. 1607. Pont. nostri Anno III.

Dat. die 18. Sept. 1607. An.III.

LXXXI.

Contra Canonicos Regulares Congregationis Sancti Salvatoris Ordinis Sancti Augustini, Dignitates, & Officia ipsius Ordinis acquisitis extra Religionem favoribus ambientes, eorumque complices, & fautores. Nec non Superiores eosdem in electionibus favores attendentes.

Congregationem istam probavit Gregor. XII. ut supra in sua Const. III. Excitat. To. III. Par. II. fol. 409.

PAULUS PAPA V.

Ad perpetuam rei memoriam.

Quoniam nemo debet sibi assumere honorem, nisi vocatus a Deo tamquam Aaron, & a regularis vitae instituto valde alienum est, ut Religiosi mendicantis, saecularium praesertim personarum studiis, ad dignitatum gradus sibi aditum patefacere contendant, unde magna in Ecclesia Dei mala provenire solent; Nos pro muneris nostri debito huic malo quantum in nobis est opportunum remedium adhibendum, censuimus.

Ambitus Regularium improbat.

§.1. Cum itaque, sicut accepimus, quidam in Congregatione Canonicorum Regularium S. Salvatoris Ordinis S. Augustini, dignitatum, & officiorum in dicta Religione ambitione ducti, pro iis consequendis, Ecclesiasticorum, & saecularium Principum, N n aut

Canonici Regularis S. Salvatoris ad obtinendas dignitates Ordinis, favores personarum extra Religionem requirebant.

aut aliarum personarum studia requirant, & a Sanctæ Romanæ Ecclesiæ Cardinalibus, aliisque Prælatibus commendatitiis literas, aliisque favores, & gratias procurent, quibus adjuti gradus, & dignitates in eadem Religione consequi valeant.

Hunc ergo ambitum Pontifex illis sub gravibus pœnis interdicat.

§.2. Propterea Nos dictæ Religionis officia, & dignitates pro meritis cujusque abfque ambitu conferri cupientes, motu proprio, & ex certa scientia, ac mera deliberatione nostris, omnes, & singulos Canonicos regulares dictæ Congregationis, & Ordinis, cujuscumque status, gradus, conditionis, præminentie, qualitatis, & dignitatis existentes, qui de cætero pro prælaturis, gradibus, honoribus, dignitatibus, administrationibus, functionibus, & aliis Officiis Congregationis, & Ordinis prædictorum consequendis, ad Principum, & Prælatorum, ac aliarum quarumcumque personarum tam Ecclesiasticarum, quam Sæcularium de gremio dictæ Congregationis non existentium, etiam Cardinalatus honore, & quacumque sæculari dignitate, & excellentia, etiam Imperiali, Regali, & Ducali fulgentium favores recurrerint, aut alias viis illicitis ad hujusmodi Prælaturas, gradus, honores, dignitates, administrationes, & alia officia obtinenda aspiraverint, vel aliis minus legitimis, & honestis rationibus ea obtinere quæserint, ac iis obtentis usi fuerint, illorumque complices, & fautores, ad quascumque Prælaturas, dignitates, officia, gradus, honores, administrationes, & munera in ipsa Congregatione obtinenda, perpetuo inabiles declaramus, ac obtentis per eos Prælaturis, gradibus, honoribus, dignitatibus, administrationibus, functionibus, & officiis hujusmodi eo ipso privamus, & sic privatos voce tam activa, quam passiva carere decernimus, & declaramus.

Superioribus que in electionibus hujusmodi favores attendere, vel pœnas aliquas remittere prohibet sub pœnis inobedientie, & excommunicationis.

§.3. Atque in virtute sanctæ obedientie, ac sub excommunicationis lætæ sententiæ pœna omnibus dictorum Congregationis, & Ordinis Superioribus, Prælatibus, Canonicis quocumque titulo nuncupatis etiam Priori generali, presentibus, & futuris præcipimus, districtèque mandamus, ne quempiam ullo tempore precibus, literis, vel favoribus adducti, vel alias ad instantiam, seu requisitionem, vel contumplationem Principum, etiam Imperatoris, Regum, Ducum, & Rerumpublicarum, vel Prælatorum, etiam S. R. E. Cardinalium, aut aliarum quarumcumque personarum, tam sæcularium, quam Ecclesiasticarum, extra dictum gremium existentium, ad cujusvis generis Prælaturas, gradus, honores, dignitates, administrationes, functiones, & officia dictæ Congregationis promovere, vel pœnas aliquas remittere audeant, vel præsumant.

Electioes alter factas irritat.

§.4. Decernentes electiones, & promotiones ad Monasteria, seu Prioratus, vel officia dictorum Congregationis, & Ordinis contra presentium dispositionem, quod absit, quandocumque faciendas, & pro tempore obtentas, nullas prorsus, invali-

dasque fore, & esse, nullisque viribus subsistere.

§.5. Ac omnes, & singulos in præmissis delinquentes, nulla alia monitione præcedente, & absque processu desuper habendo, sententias, & pœnas præmissas irremissibiliter eo ipso incurrere.

§.6. Et ad illos sententias, & pœnas præmissas damnabiliter incurrere legitime probandum, solas præmissarum personarum instantias, preces, & favores etiam, oretenus porrectas, plenam, indubiam, & sufficientem in judicio, & extra fidem facere, nec ad id probationis alterius adniculum requiri.

§.7. Et ita per quoscumque Judices, & Commissarios, quavis auctoritate fungentes, etiam causarum Palatii Apostolici Auditores, & S. R. E. Cardinales, sublata eis, & eorum cuilibet quavis aliter judicandi, & interpretandi facultate, & auctoritate judicari, & definituri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.8. Non obstantibus quibusvis Apostolicis, ac in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, ac Congregationis, & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, approbatis, & innovatis. Quibus omnibus, eorum tenores presentibus pro expressis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si prædictis Canonicis regularibus, vel quibusvis aliis communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

§.9. Ut autem harum literarum notitia ad omnes dictæ Congregationis Sancti Salvatoris Ordinis Sancti Augustini Canonicos Regulares facilius deveniat, volumus illas etiam in Capitulis generalibus, ac Congregationibus dietis nuncupatis læctas sic arctare, ac si legitime unicuique intimata fuissent, illarumque exemplis etiam impressis, manu Prioris generalis ipsius Congregationis subscriptis, & ejus sigillo munitis, eandem prorsus fidem habere, quæ presentibus haberetur, si eadem exhiberentur.

Dat. Romæ apud Sanctum Marcum &c. die 22. Septemb. 1607. Anno III.

Contravenientes eo ipso pœnas hic enunciatas incurrere declarat.

Ambitum ex solâ instantia, & precibus etiam oretenus porrectis probari decernit.

Et ita, & non aliter judicari præcipit.

Contrariis omnibus derogat.

Hanc Constitutionem in Capitulis & dietis publicari mandat.

Dat. die 22. Sept. 1607. An. III.

Pro-

LXXXII.

Ex Reg. in Secret. Brevis.

Protogatio, & extensio temporis ad exigendum subsidium 18. millionum ab Ecclesiasticis Regnum Castellæ Regi Catholico persolvendorum.

Charissimo in Christo Filio Nostro Philippo Hispaniarum Regi Catholico.

PAULUS PAPA V.

Charissime in Christo Fili Noster salutem, & Apostolicam benedictionem

Clemens VIII. subsidium, de quo in rubrica, intra sexennium ab Ecclesiasticis quoque præberi permittit.

§. 1. Exponi Nobis tua Majestas nuper fecit, quod cum sæcl. record. Clemens Papa VIII. Prædecessor Noster olim accepisset eidem Majestati tue Regna Castellæ in Comitibus tunc habitis, ut sumptus necessarios bellorum, quæ clar. mem. Philippus Genitor tuus contra hostes Catholicæ fidei gessit, & tua Majestas gerit, aliquo subsidio opportune suppeditarent, quædam superadditionalia servitia nuncupata intotum ad summam decem, & octo millionum nummorum aureorum ascenderent, ad sexennium duratura super vino, & oleo præstare prompte obtulisset; propterea idem Clemens ut faciliorem redderet prædictorum servitiorum in causam Religionis præstationem, Ecclesiasticas etiam personas illa subire voluit: ac Motu ejus proprio, ac ex certa scientia, ac matura deliberatione omnes, & singulas Ecclesiasticas personas tam sæculares, quam cujusvis, etiam exempti Ordinis regulares in eisdem Regnis commorantes, ad contribuendum, prout laici, in dictis servitiis, & ad solvendum gabellam, seu sissam super vino, & oleo in prædictis Regnis colligendis, & consumendis imponendam, seu forsam impostam, durante dicto sexennio, & non ultra teneri mandavit, prout in ejus in simili forma Brevis expeditis literis sub dat. die 23. Januarii MDCL. plenius continetur: & deinde, quod accepto etiam ab eodem Clemente, in Comitibus, seu Curiis eorumdem Regnorum tunc proxime habitis, ne nimium populi gravarentur præstatione gabellæ, seu sissæ super vino, & oleo tantum, ad carnes etiam in eisdem Regnis vendendas, ita tamen, ut summa decem, & octo millionum nummorum aureorum nullo modo cresceret, extendere decrevisse, idcirco Clemens prædictus, ut facilius, etiam esset Ecclesiasticorum onus, simili Motu proprio, ac ex certa scientia, ac matura deliberatione prædictos omnes, & singulos Ecclesiasticos ad solvendam gabellam, seu sissam super carne etiam, ita tamen, ut nec summa prædicta, nec tempus sexennii augetur, æque ac laicos obligatos esse voluit, & statuit, declarando tamen, ne aliqua Jurisdicctio laicis in Ecclesiasticos, seu compellendi facultas concessa censeretur, quod suæ intentionis fuerat, & erat, quod exactores non possent per se ipsos, aut alios sæculares Ministros, sed Ordina-

Bull. Rom. Tom. V. Par. III.

riorum auctoritate d. Ecclesiasticos compellere, & eisdem coram eis convenire: quibus idcirco mandaverat, ut contra prædictos Ecclesiasticos recufantes solvere ad quamcumque simplicem eorumdem exactorum requisitionem exequutive, omni appellatione remota auctoritate sua procederent, & compellerent, prout in aliis ejusdem Clementis literis in simili forma Brevis expeditis sub dat. die XI. Augusti 1603. plenius continetur. Et rursus, quod illi exposito nomine Majestatis tuæ, quatenus in ultimo dictis comitiis, seu curiis declaratum fuerat, ut in dicta gabella, seu sissa vini, & olei contribuere deberent non solum ementes, & vendentes, sed illi etiam, qui illa perciperent ex propriis terrenis, aut ex affibus, aut emerent in uvis, aut olivis, seu ex decimis, aut dono, vel alias quovis alio reddito acciperent, haberent, & consumerent in propriis Domibus, & proprio, & familiarum suarum usibus, & non solum de vino, sed etiam de musto, aquato, & aceto intelligeretur: & ulterius, quod eadem gabella usque ad integram exactorem dictæ summa decem, & octo millionum nummorum aureorum durare deberet, & quod cum dictæ declarationes in ejusdem Clementis literis prædictis expresse non fuissent, tua Majestas ad tollendum omnem dubitandi occasionem per prædictum Clementem eadem declarari cupiebat, ac etiam tempus sexennii extendi, & prorogari: Idem Clemens tuis supplicationibus inclinatus decrevit, & declaravit, ecclesiasticas personas prædictas ad solvendam gabellam, seu sissam juxta declarationem prædictam, quoad rerum species, non autem quoad eas, quæ pro eorum propriis usibus consumerent, ad instar laicorum in omnibus, & per omnia, quoad reliqua tenerentur, tempus vero sexennii ad triennium à fine ipsius sexennii computandû, quo tantum durante si prædicta summa decem, & octo millionum nummorum aureorum congesta non foret, adhuc gabellas, seu sissas hujusmodi persolvere similiter tenerentur: sed si autem lapsum dicti triennii hujusmodi summa congesta foret, ab hujusmodi solutione liberi essent eo ipso absque alia declaratione, extendit, & prorogavit: voluitque, & decrevit, ut quemadmodum in aliis suis literis declaraverat, quod exactores prædicti non per se ipsos, aut alios Ministros sæculares, sed per locorum Ordinarios recufantes Ecclesiasticos compellerent, & coram eis convenirent, similem eisdem Ordinariis procedendi facultatem tribuendo, quam in aliis prædictis literis tribuerat, & quod alias disposuit, prout in ejusdem Clementis aliis literis in hujusmodi forma Brevis expeditis sub die 17. Decembris 1604. plenius pariter continetur.

§. 2. Cum autem sicut eadem expositio subungebat, prædicta summa decem, & octo millionum nummorum aureorum ex dictis gabellis, seu sissis nondum congesta fuerit, nec dicti triennii spatium eam confici posse spes sit; Propterea Majestas tua

Rementes vero ab Ordinaris locorum dimittere posse compelli.

Alias etiam declarationes apposuit, & ad aliud triennium prorogavit.

Philippus triennium terminum petere prorogari.

N n a à No-